

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na 60. sjednici Predstavničkog doma , održanoj 16.septembra 2009. godine, i na 36. sjednici Doma naroda, održanoj 1. oktobra 2009. godine. usvojila je

ZAKON O IZMJENAMA I DOPUNAMA ZAKONA O KONKURENCIJI

Član 1.

U Zakonu o konkurenciji («Službeni glasnik BiH», br. 48/05 i 76/07) u članu 2.stavu (1) riječi: «koja posredno ili neposredno učestvuju u prometu roba i usluga» zamjenjuje se riječima: «koja se posredno ili neposredno bave proizvodnjom, prodajom roba i pružanjem usluga», ispred riječi "svojim" dodaje se riječ "mogu" a iza riječi "djelovanjem" riječi: "sprečavaju, ograničavaju ili narušavaju" zamjenjuju se riječima: "sprečavati, ograničavati ili narušavati"

U tački a) iza riječi "preduzetnike" briše se zarez i dodaju se riječi: "i njihova udruženja". Stav (2) mijenja se i glasi:

" (2) Ovaj zakon primjenjuje se i na privredne subjekte koji imaju kontrolu nad drugim privrednim subjektom, te na privredne subjekte pod njegovom kontrolom. Privrednim subjektom pod kontrolom drugog privrednog subjekta smatra se privredni subjekt u kojem drugi privredni subjekt neposredno ili posredno:

- a) ima više od polovine udjela ili dionica, ili
- b) može ostvarivati više od polovine glasačkih prava, ili
- c) ima pravo na postavljanje više od polovine članova uprave, nadzornog odbora, odnosno odgovarajućeg tijela za upravljanje, te vođenje poslova, ili
- d) na drugi način ima pravo na upravljanje poslovanjem privrednog subjekta."

U stavu (3) riječi: "privredne djelatnosti" brišu se, a riječi: "privrednih subjekata" zamjenjuje se riječima: "privredne subjekte".

Član 2.

U članu 3. u st. (1), (2) i (3) iza riječi "proizvoda" dodaju se riječi: "i/ili usluga".

Stav (4) mijenja se i glasi:

" (4) U određenim slučajevima relevantno geografsko tržište može biti utvrđeno na međunarodnom nivou".

Član 3.

U članu 4. u stavu (1) riječi: "kao i odluke udruženja privrednih subjekata" zamjenjuje se riječima: "kao i odluke i drugi akti privrednih subjekata".

U stavu (3) tački a) na kraju teksta tačka-zarez se brišu i dodaje se veznik " i ".

Član 4.

U članu 5. stav (2) briše se.

Dosadašnji st. (3), (4) i (5) postaju st. (2), (3) i (4).

U dosadašnjem stavu (3) koji postaje stav (2) riječi "u navedenom roku" zamjenjuje se riječima: "u roku iz člana 41. stav (1) tačka b) ovog Zakona".

U dosadašnjem stavu (4) koji postaje stav (3) u tački c) riječi: "utvrđenim obavezama" zamjenjuje se riječima: "obavezama utvrđenim od strane".

U dosadašnjem stavu (5) koji postaje stav (4) broj "(4)" zamjenjuje se brojem "(3)".

Član 5.

U članu 8. stavu (2) riječi: " pod uslovom da sporazum ne sadrži odredbe koje uprkos neznatnom tržišnom učešću dovode do sprječavanja, ograničavanja ili narušavanja konkurencije" zamjenjuje se riječima: "izuzev teških ograničenja"

U stavu (3) tački b) iza riječi: "nisu" dodaju se riječi: "stalni ili potencijalni"

U stavu (4) iza riječi: "ispunjavati" stavlja se zarez i dodaju riječi: "kao i teška ograničenja".

Član 6.

U članu 9. stavu (2) riječi: "može imati" zamjenjuju se riječju: "ima", a riječi: "Bosne i Hercegovine" brišu se.

Stav (3) mijenja se i glasi:

" (3) Pretpostavlja se da više privrednih subjekata ima dominantan položaj na tržištu roba i/ili usluga ako na relevantnom tržištu dva ili tri privredna subjekta imaju zajedno tržišno učešće veće od 60%".

Iza stava (3) dodaje se novi stav (4) koji glasi:

" (4) Pretpostavlja se da više privrednih subjekata ima dominantan položaj na tržištu roba i/ili usluga ako na relevantnom tržištu četiri ili pet privrednih subjekata imaju zajedno tržišno učešće veće od 80%".

Dosadašnji stav (4) postaje stav (5).

Član 7.

U članu 11. stav (2) briše se.

Dosadašnji st. (3) i (4) postaju st. (2) i (3).

U dosadašnjem stavu (3) koji postaje stav (2) riječi: "stava (2) ovog člana i" brišu se, iza broja "41". dodaju se riječi: "stav (1) tačka c)", iza riječi: "smatra se da", dodaje se riječ: "se" i iza riječi "sporazumom" dodaju se riječi: "odnosno postupanjem privrednog subjekta"

U dosadašnjem stavu (4) koji postaje stav (3) broj "(3)" zamjenjuje se brojem "(2)", riječi: "da predmetni sporazum" zamjenjuje se riječima: "da zaključenim sporazumom, odnosno postupanjem privredni subjekt", i iza riječi: "ne zloupotrebljava", riječ: "se" briše se.

Član 8.

U članu 14. stavu (1) tačka a) mijenja se i glasi:

" a) da ukupni godišnji prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i "

U tački b) broj "5.000.000 KM zamjenjuje se brojem "8.000.000 KM".

Član 9.

U članu 15. stavu (1) tački a) riječi: "direktnih poreza" zamjenjuje se riječima: "indirektnih poreza".

Član 10.

Član 16. mijenja se i glasi:

"Član 16.

(Prijava koncentracije)

(1) Privredni subjekti, učesnici koncentracije obavezni su podnijeti prijavu koncentracije u smislu čl. 12. i 14. ovog Zakona u roku od 15 dana od dana zaključivanja sporazuma, objavljivanja javne ponude ili sticanja kontrole, zavisno od toga šta nastupi ranije.

(2) Prijava koncentracije može se podnijeti i kada učesnici koncentracije dokažu svoju namjeru za koncentracijom zaključenim načelnim sporazumom, memorandumom o razumijevanju, pismom namjere potpisanim od svih učesnika koncentracije ili javnim objavljivanjem namjere za ponudu kupovine.

(3) U slučaju kada kontrolu nad cijelim ili dijelovima jednog ili više privrednih subjekata stiče drugi privredni subjekt, prijavu podnosi privredni subjekt koji stiče kontrolu, a u svim ostalim slučajevima privredni subjekti podnose zajedničku prijavu.

(4) Konkurencijsko vijeće dužno je objaviti podatke iz prijave koncentracije u dnevnim novinama, a naročito:

- a) nazive privrednih subjekata učesnika u koncentraciji;
- b) oblik koncentracije; i
- c) privredni sektor u okviru kojeg se koncentracija vrši."

Član 11.

U članu 17. stavu (1) riječi: "pozitivne i negativne" brišu se, iza riječi "efekte" dodaju se riječi: "koji za posljedicu imaju značajno narušavanje tržišne konkurencije" a riječi: "koji za posljedicu ima značajno narušavanje tržišne konkurencije" brišu se.

Član 12.

U članu 18. stavu (5) riječi "namjere" briše se, a broj "60" zamjenjuje se brojem "30".

Iza stava (5) dodaje se novi stav (6) koji glasi:

"(6) U slučaju kada Konkurencijsko vijeće u roku od 30 dana, u skladu sa stavom (5) ovog člana, od dana izdavanja potbrde o prijemu kompletne i uredne prijave iz člana 30. ovog zakona ne donese zaključak o pokretanju postupka ocjene koncentracije, smatrat će se da je koncentracija dopuštena".

Dosadašnji st. (6), (7), (8) i (9) postaju st. (7), (8), (9) i (10).

U dosadašnjem stavu (9) koji postaje stav (10) broj "(8)" zamjenjuje se brojem "(9)".

Član 13.

U članu 19. stavu (2) tački b) broj "14." zamjenjuje se brojem "12."

Član 14.

U članu 30. naslov člana mijenja se i glasi: "(Dokumentacija uz prijavu koncentracije)".

U stavu (1) riječ "namjere" briše se.

U tački a) iza riječi "odnosno" dodaje se veznik "i".

U tački c) riječi: "propisom o koncentraciji" zamjenjuju se riječima: "podzakonskim aktima uz ovaj zakon".

Član 15.

U članu 32. stavu (2) broj "15" zamjenjuje se brojem "30".

Član 16.

U članu 34. stavu (3) riječ "namjerno" briše se.

Član 17.

U članu 35. stavu (2) riječi: "a ne žele ih staviti na uvid," brišu se.

Član 18.

U članu 41. stav (1) mijenja se i glasi:

" (1) Nakon donošenja zaključka o pokretanju postupka, Konkurencijsko vijeće dužno je donijeti konačno rješenje u roku:

- a) od šest mjeseci za utvrđivanje zabranjenih sporazuma iz člana 4. ovog zakona;
- b) od tri mjeseca za utvrđivanje pojedinačnog izuzeća iz člana 5. ovog zakona;
- c) od četiri mjeseca za utvrđivanje zloupotrebe dominantnog položaja iz člana 11. ovog zakona;
- d) od tri mjeseca za utvrđivanje ocjene koncentracije iz člana 18. ovog zakona."

U stavu (2) riječi: "kao i čl. 5. i 11. ovog zakona," brišu se.

Član 19.

U članu 42. stavu (1) tačka g) briše se.

Iza stava (1) dodaje se novi stav (2) koji glasi:

"(2) Osim rješenja iz stava (1) ovog člana, Konkurencijsko vijeće donosi i druga rješenja, zaključke i druge akte na osnovu odredbi ovog zakona ".

Član 20.

U članu 48. stavu (1) tački d) na kraju teksta tačka se zamjenjuje tačkom-zarezom.

Iza tačke d) dodaje se nova tačka e) koja glasi:

" e) provede koncentraciju bez prethodnog rješenja o koncentraciji u smislu člana 18. stav (9) ovog zakona".

Član 21.

U članu 54. stavu (1) riječi: "u toku postupka" brišu se.

Član 22.

Konkurencijsko vijeće će, u roku od šest mjeseci od dana stupanja na snagu ovog zakona, uskladiti podzakonske akte i druge akte koji se odnose na provođenje odredbi ovog zakona.

Član 23.

Postupci započeti pred Konkurencijskim vijećem, a koji nisu okončani do dana stupanja na snagu ovog zakona, bit će nastavljeni po odredbama Zakona o konkurenciji ("Službeni glasnik BiH", br. 48/05 i 76/07).

Član 24.

Ovaj Zakon stupa na snagu osmog dana od dana objavljivanja u " Službenom glasniku BiH", a bit će objavljen i u službenim glasilima entiteta i Brčko Distrikta Bosne i Hercegovine.

PSBiH, broj 425/09
1. oktobra 2009. godine
Sarajevo

Predsjedavajući
Predstavničkog doma
Parlamentarne skupštine BiH
Dr. Milorad Živković

Predsjedavajući
Doma naroda
Parlamentarne skupštine BiH
Ilija Filipović, s.r